



右符七道患瘧疾者依上書之吞服即差此千金之不傳也

禁呪文

登高山望寒水使虎狼捕瘧鬼朝食三千暮食八百一鬼不去移名河伯食之未足催速

求索急急如新出

老君律令

右勅瘧按病并呪符同

天帝使者捕瘧鬼得便輒殺勿問罪急急如律令

右勅治瘧符文用

臣身中左右官使者無令錯互各主方神而瘧鬼姦其母子四子無故入園中大自燒死反為瘧鬼吾是太上之使知汝名字源由何不疾走今行水火追殺汝急急如律令

右勅按瘧疾行火文并呪符

治瘧章


上言謹按 男子素以胎生肉人百官子孫千載有幸得奉清化道氣扶持從來蒙恩如願肉人於行多違招延罪考其年若干歲以某月日忽患瘧疾連日發動頭腦疼痛寒熱噓吸不下飲食發動之日氣息垂盡轉加重劇大小惶怖無復情計馳來詣臣求乞救治不勝肉人嬰此瘧疾在可哀慈謹為伏地

太上諸君丈人師君夫人門下典者五氣君等 謹文

太上洞玄靈寶素靈真符卷下


太上洞玄靈寶五嶽神符

卷七



神仙圖曰東方春嶽祇曰岱宗元氣上連歲星其山青靈老君治其中主春氣生萬物列從青腰玉女百二十人主百二十府變化玉女九人主九州山精玉女萬二千人主遊護天下使甲乙之神行天德使寅卯之神正地氣名山大澤天下萬神常以立春之日升岱宗之山入青石玉闕之宮謁青靈老君受玄符出乘條風各還四方召使百鬼斬殺惡神有不從玄符者天滅其精不得享其祭祠所以佐天地生人物也以條風之氣蕩淑人形

人形不正正之以符常起甲乙治寅卯受符  
應當拜者皆向日暮




神仙圖曰南方泰嶽祇曰南衡元氣上連榮  
惑之星其山赤太陽炎老君治其中主夏氣  
長萬物列從泰丹玉女百二十人主百二十  
府變化玉女九人主九州山精玉女萬二千  
人主遊護天下使丙丁之神行天德使巳午  
之神正地氣名山大澤天下萬神常以立夏  
之日升南衡之山入赤石玉關之宮謁炎老  
君受玄符出乘長風各還四方召使百鬼斬  
殺惡神有不從玄符者天滅其精不得享其  
祭祠所以佐天地生人物也故以長風之氣

蕩淑人形不正正之以符常起丙丁治  
巳午受符應當拜者皆向日暮




神仙圖曰中央泰嶽祇曰嵩高元氣上連鎮  
星其山黃黃老君治其中主四季之氣統四  
嶽之神總理萬物列從黃素玉女四方變化  
玉女各五萬人主巡行山精玉女五萬人主  
遊護天下使戊己之神行天德使丑辰未戌  
之神正地氣名山大澤天下萬神常以四季  
正月晦升嵩高入黃石玉關之宮謁黃老君  
受玄符出乘八風各還四方玄符常在巳不  
言而道自存不行而道自明淡泊無為為道  
之根出則病病故而不病吾之不病死無從

末是以玄符長守子命華蓋蓋之延年以鎮  
星星杆子厄大闢天門廣地戶窈窕冥冥萬  
神自然五嶽之玄符五德之為信實善罰惡  
養人物也故以八風和符調人正之受符應  
當拜者皆向日暮




神仙圖曰西方泰嶽祇曰西華元氣上連太  
白星其山白皇老君治其中主秋氣成熟萬  
物列從白素玉女百二十人主百二十府變  
化玉女九人主九州山精玉女萬二十人主  
遊護天下使庚辛之神行天德使申酉之神  
正地氣名山大澤天下萬神常以立秋之日  
升西華之山入白石玉關之宮謁皇老君受

玄符出乘清風各還四方召使百鬼斬殺惡  
 神有不從玄符者天滅其精不得享其祭祠  
 所以佐天地成人物也故以清風之氣蕩淑  
 人形人形不正之以符常以庚辛治申酉  
 受符應當拜者皆回向日晷




神仙圖曰北方泰嶽故曰北恒元氣上連辰  
 星其山黑大陰玄老君治其中主冬氣閉藏  
 萬物列從太女王女百二十人主百二十府  
 變化玉女九人主九州山精玉女萬二千人  
 主遊護天下使壬癸之神行天德亥子之神  
 正地氣名山大澤天下萬神常以立冬之日  
 升北恒之山入黑石玉闕之宮謁玄老君受


玄符出乘涼風各還四方召使百鬼斬殺惡  
 神有不從玄符者天滅其精不得享其祭祠  
 所以佐天地藏人物也故以涼風蕩淑人形  
 人形不正之以符常起壬癸治亥子受  
 符應當拜者皆回向日晷



神仙圖曰五嶽真人鎮天子宮殿堂法用雄  
 黃五斤每嶽用一斤以蠟密作人長尺二寸  
 置五斗大瓶中隨方色懸置殿中大梁利宮  
 室除凶惡厭服四方國中興盛來福萬年


白虎符





老子曰堯以祭法授舜舜以正月甲午於歷山下祭圖玄符到四月神使騎白鹿言西王母以白環獻舜元年二月舜以授禹其年六月景雲三見祭法鼓吹大鼓召直符一直符二鼓音二直符二鼓音千二百直符到然後請變化玉女次請五行山精玉女然後請上皇神耳三日奉戒立壇即香火三果實追四時中壇按上下五色為藉勿妄傳泄

五鎮符




右符厭鎮東方惡氣木精毒害流行寇賊數起五穀不豐民多妖災暴水出蝗蟲起此勾

芒神所為厭鎮之法用三牲物極東界上先祭天地壇面十二丈以帛布為藉面六十杯用米一斛二斗五彩校以白土作人龍符西方丹書素丈二尺白甕十二枚以雄黃六兩丹砂十二斤以著甕中符在上蠟密塞口尊收印封投國東界上深淵之中勿令此見



右符厭鎮南方惡氣火精毒害流行寇賊數起五穀不豐民多流移蝦河海江此是祝融之神所為厭鎮之法用三牲物於極南水上先祭天地其壇面十二丈以帛布為藉面六十杯一斛二斗白米五色校以黑土作人龍符北方丹書帛丈二尺黑甕十二枚雄黃六兩丹砂十二斤以著甕中符在上蠟密塞口玄冥印封投南界深淵之中勿令此見



右符厭鎮中央四氣土精毒害流行山崩地動四夷不安此是后土神所為厭鎮之法用三牲物於國中央平地立壇面二十八丈面百二十杯以帛布為藉面一斛二斗米五彩校青土作人龍符東方丹書青丈二尺白甕十二枚雄黃六兩丹砂十二斤以著甕中蠟密塞口勾芒印封投國中央




右符厭鎮西方惡氣金精毒害流行寇賊數起五穀不豐軍士擾動暴水橫出蝗蟲害穀此符收神所為厭鎮之法用三牲物於極西界上先祭天地壇面十二丈絳布為藉面六十杯米一斛二斗五色校以赤土作人龍南





上皇威德符主貴人三公以下至令長諸印級長吏常以正月上王之日受此符以投綬囊臣事帝王人君吉慶伏鬼神安人民息盜賊官保遷利百事吉祥

五將軍符



光靈五將軍主軍事以符破敵厭眾萬人不敢當此符者光靈後來敗吳以季庚之日陳此符於南山之上越王遂霸瑯琊勾踐習術猜忌在心不能克成帝遂乃憂樂易情殘忍易志朽木難雕光公知機肥遁齊境潛修祀醮密禱天人後為齊相號鴟夷子皮自歎居家則致千金任官則致卿相此布衣之極久受尊名不祥乃歸相印又居陶富高前世恩被後生號陶朱公本字少伯徐人師太公呂尚常以妙法獎導善人愛周蘇二君及秦之四皓漢祖密事悉委張良良親四皓恒共修功朱公弟子又有珠仲甄珠會稽獻術高后后不能用與國俱藏也

太上洞玄靈寶五嶽神符

上清金母求仙上法

廬山李玄真演

王母請問

太上道君曰不審靈寶經中符圖則有文字其文秘隱未蒙訓授夙夜仰難觸靈顏委誠猥陋任居總真未審符訣可得便授開悟未聞如蒙曉究則遭啓拔運遇自然

道君曰夫靈寶之文生乎龍漢至于今日累經劫運有若塵沙之數符圖實秘文字幽昧

昔元始火鍊真文瑩發光芒文字既顯吾得

曉焉  
元始天尊命五老輔衛五篇真文符訣幽藏金闕之內自非得道成真莫得知究昔元始天王於金格玉臺之上賜授眾符音訣聽傳有道之人云一劫之周當有邈世高賢白

帝西靈之質請求此文字今有問其驗已明輒不隱藏演而宣之子宜寶錄慎勿輕宣若有得者仙道便成今繕為一卷先畫真符訣解其音唯有太素陽生一十九符緘秘其文在大小劫中來運莫有可期今傳子靈寶見